



Publicaziuns dalla vischnaunca, jamna 1

Damonda da baghegiar

2016-1002.000

Datum dalla publicaziun: Ils 15 da schaner 2016

Il patrun: Pervenda caplania S. Antoni, Via Cavardiras 5, 7180 Disentis/Mustér

Il representant: Gion Michel Flepp, Via Sontga Gada 7, 7180 Disentis/Mustér

Object: Lavurs da sanaziun vid il tetg e la fatschada dalla baselgia da Sogn Antoni, parcella 2157, Via Sogn Antoni 36, 7182 Cavardiras

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 11 da schaner 2016

Uffeci da baghegiar Disentis/Mustér

Referendum facultativ spirau

Ils 11 da december 2015 ha il cussegl da vischnaunca concediu unanimamein in credit da 260 000 francs per l'avertura dil quartier Caschuarz II.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Vischnaunca Disentis/Mustér

Revisiun parziala dalla planisaziun locala cun rapport ecologic

Exposiziun da recuors

Questa publicaziun succeda en completaziun dall'exposiziun da recuors publicada el «Fegl uffical cantunal» dils 17 resp. 28 da december 2015 ed el «Fegl uffical Surselva» dils 18 resp. 24 da december 2015. La completaziun pertucca il termin da publicaziun per tut ils documents d'exposiziun.

Documents d'exposiziun:

- Revisiun parziala dalla lescha da baghegiar;
- Plan da zonas e plan general da formaziun, Acletta/ Funs, Fontanivas, Veier, Raveras, Disentiserhof, Segnas, Val da Cuoza, Pignola, Aua Cotschna, Rieven e Claustra 1:500/1000/2000;
- Plan da zonas 1:5000 per far neiv;
- Plan general d'avertura 1:5000 provediment ed allontanament per far neiv;
- Plan general d'avertura – traffic, Foppas, Funs, Plaun Tiatscha, Siut, Catrina e Pignola 1:500/1000/2000/ 5000;
- Plan general d'avertura – provediment, Fontauna da radon 1:2000;
- Rapport da planisaziun (informativ);
- Plan da basa per far neiv (Masterplan Beschneiung) 2013–2016, survesta 1:5000;
- Plan dallas pistas cun ortofoto, stan dils 30 d'avrel 2015;
- Rapport tecnic dils 8 da fenadur 2015;
- Rapport ecologic examinaziun preliminar dils 10 da fenadur 2015 cun annexa.

Midadas suenter la publicaziun da cooperaziun:

Mira «Fegl uffical cantunal» nr. 51 dils 17 da december 2015, pg. 4410 e 4411 ed el «Fegl uffical Surselva» nr. 51 dils 18 da december 2015.



Termin da publicaziun:

Naven dils 18 resp. 28 da december 2015 entochen ils 28 da schaner 2016

Liug da publicaziun:

Casa communal (stanza 10), Via Cons 2, 7180 Disentis/ Mustér, durant las uras da spurtegl (tel. 081 920 36 36)

Recuors da planisaziun:

Persunas che han in agen interess digns da vegnir protegius vid ina contestaziun dalla planisaziun ni ch'ei'n legitimadas leutier tenor dretg federal, san inoltrar alla regenza grischuna enteifer 30 dis dapi il datum da publicaziun a scret in recuors da planisaziun encunter la planisaziun locala.

Organisaziuns digl ambient:

Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori, qvd. ellas s'annunzian enteifer il temps da recuors tier igl uffeci cantunal pil svilup dil territori ed inolteschan silsunter eventualmein ina posiziun.

Posiziun tiel rapport ecologic:

Posiziuns tiel rapport ecologic san vegnir inoltradas a scret durant il temps d'exposiziun agl uffeci pil svilup dil territori (ARE), Grabenstrasse 1, 7000 Cuera.

Disentis/Mustér, ils 11 da schaner 2016

Suprastonza communal Disentis/Mustér

2016 – 1003.000

Procedura d'approbaziun per installaziuns a current ferm

Exposiziun publica dils plans

Datum da publicaziun: Ils 15 da schaner 2016

Il patrun: Energia Alpina, Via Alpsu 62, 7188 Sedrun

Objects: *Nr. da project L-224472.1*

Lingia da 16 kV denter las staziuns da transformaziun tschaffada Nalps ORA/KVR e 924 Fadretsch

Nr. da project L-224473.1

Lingia da 16 kV denter las staziuns da transformaziun tschaffada Nalps ORA/KVR e 924 Fadretsch

Tiegl inspecturat federal da tensiun aulta (Esti), Luppenstrasse 1, 8320 Fehraltorf, ei vegniu inoltrau ils sura numnai projects per approbaziun.

Ils documents da publicaziun ein exponi naven dils **15 da schaner entochen ils 17 da fevrer 2016** en casa communal Mustér (local nr. 10), Via Cons 2, 7180 Disentis/ Mustér, mintgamai durant las uras da spurtegl.

La publicaziun succeda el senn dils art. 42–44 dalla lescha d'expropriaziun (EntG; SR 711). Interessents el senn dallas prescripziuns dalla lescha davart proceduras administrativas (SR 172.021) ni dalla lescha d'expropriaziun san inoltrar protestas enteifer il temps dalla publicaziun officiala. Las protestas ein d'inoltrar agl inspecturat da tensiun aulta, (Planvorlagen), Luppenstrasse 1, 8320 Fehraltorf.

Tgi ch'inoltescha negina protesta ei exclud dallas proceduras suandontas.

Pretensiuns en connex cul dretg d'expropriaziun sco era pretensiuns davart indemniziuns finanzialas ni materialas ston vegnir fatgas valer enteifer il temps dalla publicaziun officiala. Protestas ni pretensiuns posteriuras el senn dils art. 39–41 dalla lescha d'expropriaziun ein medemamein da drizzar agl inspecturat da tensiun aulta.

Inspecturat da tensiun aulta (Esti)

Planvorlagen

Luppenstrasse 1

8320 Fehraltorf



Cuera, ils 15 da schaner 2016

*Uffeci d'energia e traffic dil Grischun
Partiziun energia hidraulica/
Provediment d'energia*

Marcas da tgauns 2016

Naven digl onn 2016 dat ei neginas marcas da tgauns pli. Cunquei che mintga tgaun sto esser marcaus cun in microchip, basegna ei buca pli la marca dalla vischnaunca. Ils possessurs da tgauns retscheivan naven d'uonn directamein in quen cun la taglia da tgauns. Quella munta pigl emprem tgaun a 120 francs e per mintga ulteriur tgaun ella medema casada a 180 francs per onn. Tgauns da polizia, tgauns da lavina sco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir persunalmein al spurtegl dall'administraziun communal per cumprovar la registraziun dil microchip. Medemamein ei il mussament dil cuors teoretic da presentar.

Il cuors teoretic (per tut quels ch'eran avon igl 1. da settember 2008 aunc mai stai possessurs d'in tgaun) sto vegnir frequentaus avon ch'acquistar il tgaun. Autruira sa il tgaun buca vegnir registraus tenor il niev sistem Amicus. Cugl acquist d'in tgaun, era sch'ins ei ni era gia possessur d'in tgaun, sto vegnir absolviu in cuors practic enteifer in onn. Sch'in tgaun crappa ni sch'el mida possessur, sto quei vegnir annunziau all'administraziun communal.

Administraziun communal

Controla da habitonts

Mortori

Pia Durschei, naschida ils 31 da december 1956, morta ils 8 da schaner 2016

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!

Vos pumpiers Sursassiala

Uniun samaritana Mustér

Radunonza generala

La radunonza generala statutara ha liug **venderdis, ils 22 da schaner 2016** allas 19.30 el hotel «Alpsu».



Cordialmein envida
la suprastonza

Til da tscheiver a Mustér

Ils **6 da fevrer 2016** allas 14.00 ei il 37avel til da tscheiver a Mustér. L'Uniun da tscheiver Mustér envida pign e grond, da lunsch e da maneivel da separticipar al til.

Nus selegrein sin vossas annunzias.

Fasnachtsumzug in Disentis

Am **6. Februar 2016** um 14 Uhr findet der 37. Fasnachtsumzug in Disentis statt. Der Fasnachtsverein von Disentis lädt Interessierte ein, am Umzug teilzunehmen. Gerne erwarten wir Ihre Anmeldung.

Annunzias a:/Anmeldungen an:
Gion Hosang, tel. 079 690 97 42, e-mail: gion.hosang@tscheiver.ch, internet: www.tscheiver.ch

Kloster Disentis

Der Chefarzt der Klinik für Neurologie Valens im Forum Kloster Disentis

Am **Freitag, 15. Januar 2016**, um 20.30 Uhr spricht im Peter-Kaiser-Saal der Chefarzt der Klinik für Neurologie, Valens, Prof. Dr. med. Jürg Kesselring, über das Thema «Die beiden Hirnhälften – der Doppelgänger in uns».

Herzliche Einladung
Kloster Disentis, P. Urban Affentranger

Uniun da dunnas Disentis/Mustér

Radunonza generala, mesjamna, ils 27 da schaner 2016, allas 19.30 el «Catrina Resort».

In cordial beinvegni fa *la suprastonza*

Cinema Salaplauna – Film d'affons

«Belle & Sebastian» (FR 2013), mesjamna, ils 27-1-2016, allas 18.00 a Salaplauna Disentis/Mustér

Sebastian liebt die Berge, die Wiesen und Wälder. Der Waisenjunge lebt in einem französischen Bergdorf nahe an der Schweizer Grenze. Eines Tages trifft er einen Hund, den er Belle tauft. Doch die Freundschaft muss geheim bleiben, denn die Bewohner des Dorfes wollen genau diesen Hund erlegen, weil sie ihn der Schafrisse verdächtigen. Mutig setzt sich Sebastian für seine Freundin Belle ein. Ein bewegender Film über Freundschaft, Hilfsbereitschaft und Tapferkeit. Empfohlen ab 8 J. (begleitet)/ab 10 J. (unbegleitet).

Cun popcorn e bubrondas. Entrada libra, collecta per cuvierer ils cuosts.

Cordial beinvegni!
Center sursilvan d'agricultura, www.agricultura.ch



Ludoteca Mustér

18avla radunonza generala dall'uniun Ludoteca

Mustér, mesjamna, ils 3 da fevrer 2016 allas 19.00 en ludoteca

Beinvegni

Tractandas

1. Elecziun d'in/a dumbravuschs
 2. Protocol dalla 17avla rg dils 4 da zercladur 2015
 3. Rapport dalla presidenta
 4. a) rapport dalla cassiera
b) rapport dils revisurs
 5. elecziun dalla presidenta
 6. midada da num
 7. plan da lavur
 - VSL barrierefrei
 - finanzas e commembers (mupi, ?)
 - collavuraziun cun la biblioteca
 - collavuraziun cun las pendicularas Mustér/turisse...
 - Martin, di da giugs national, GV VLGR, DV VSL
 - scolaziun da giugs VLGR/Silbermann
 - seras da giugs internas
 - homepage, inventari
 8. Varia
-